

Հարգելի ընթերցող,

Արցախի Երիտասարդ Գիտնականների և Մասնագետների Միավորման (ԱԵԳՄՄ) նախագիծ հանդիսացող **Արցախի Էլեկտրոնային Գրադարանի** կայքում տեղադրվում են Արցախի վերաբերյալ գիտավերլուծական, ճանաչողական և գեղարվեստական նյութեր՝ հայերեն, ռուսերեն և անգլերեն լեզուներով: Նյութերը կարող եք ներբեռնել **ԱՆՎՃԱՐ**:



Էլեկտրոնային գրադարանի նյութերն այլ կայքերում տեղադրելու համար պետք է ստանալ ԱԵԳՄՄ-ի թույլտվությունը և նշել անհրաժեշտ տվյալները:

Շնորհակալություն ենք հայտնում բոլոր հեղինակներին և հրատարակիչներին՝ աշխատանքների էլեկտրոնային տարբերակները կայքում տեղադրելու թույլտվության համար:

Уважаемый читатель!

На сайте **Электронной библиотеки Арцаха**, являющейся проектом **Объединения молодых учёных и специалистов Арцаха** (ОМУСА), размещаются научно-аналитические, познавательные и художественные материалы об Арцахе на армянском, русском и английском языках. Материалы можете скачать **БЕСПЛАТНО**.

Для того, чтобы размещать любой материал Электронной библиотеки на другом сайте, вы должны сначала получить разрешение ОМУСА и указать необходимые данные.

Мы благодарим всех авторов и издателей за разрешение размещать электронные версии своих работ на этом сайте.

Dear reader,

The Union of Young Scientists and Specialists of Artsakh (UYSSA) presents its project - **Artsakh E-Library** website, where you can find and download for **FREE** scientific and research, cognitive and literary materials on Artsakh in Armenian, Russian and English languages.

If re-using any material from our site you have first to get the UYSSA approval and specify the required data.

We thank all the authors and publishers for giving permission to place the electronic versions of their works on this website.

Մեր տվյալները – Наши контакты - Our contacts

Site: <http://artsakhlib.am/>

E-mail: info@artsakhlib.am


Facebook: <https://www.facebook.com/www.artsakhlib.am/>

ВКонтакте: <https://vk.com/artsakhelibrary>

Twitter: <https://twitter.com/ArtsakhELibrary>

**ԿՐԹՈՒԹՅՈՒՆԵՐ
ԵՎ
ԳԻՏՈՒԹՅՈՒՆԵՐ
ԱՐՅԱԽՈՒՄ**

3-4, 2014



ԿԱՆԱՅՔ 1988-1991ԹԹ. ԱՐՑԱԽԻ ՀԱՐԱՎԱՐԵՎԵԼՅԱՆ
ՇՐՋԱՆՆԵՐԻ ԱԶԳԱՅԻՆ-ԱԶԱՏԱԳՐԱԿԱՆ ՊԱՅՔԱՐՈՒՄ
(ԱՍԿԵՐԱՆ, ՀԱԴՐՈՒԹ, ՄԱՐՏՈՒՆԻ)

Ի.Ն. Ավանեսյան, ԱրՊՀ

1988թ. սկիզբ առած Արցախյան շարժումն ազգային զարթոնք էր, որը, նոր էջ բացելով մեր պատմության մեջ, հանգեց ազգային ինքնագիտակցության դրսևորման գաղափարական և հոգևոր վերելքի: Արցախյան գոյապայքարի նոր փուլը համընկնում է գորբաչովյան վերակառուցման տարիների հետ՝ սկսած 1985 թվականից: Հռչակված վերակառուցման ընթացքում ազգային հարցին յուրահատուկ արժեք տրվեց, և այն առաջին պլան մղվեց Արցախում, որտեղ պայքարը, ընդհանուր առմամբ, չէր դադարել:



1985-1987թթ. Արցախում ստեղծվեցին գաղտնի կազմակերպություններ, քանձրացավ բնակչության դժգոհությունը, ինչը հանգեցրեց գաղտնի ստորագրահավաքների, որոնց արդյունքները Կենտրոն էին հասցվում Մոսկվա մեկնող պատվիրակությունների միջոցով: Շարժումը տարածվել էր Արցախի ամբողջ տարածքում: Շարժման ընդհատակյա փուլում Արցախի հարավարևելյան շրջանները լրիվությամբ ներառված էին ազատագրական գործընթացի մեջ: Ավելին, այդ շրջանների նախաձեռնող խմբերը ԼՂ ինքնավար մարզում առաջիններից էին, որ մեծապես նպաստեցին, որպեսզի շարժումը վերածվի համաժողովրդական պայքարի: Այս ամենին անմասն չէին մաս կանայք: Առհասարակ, դարաբաղյան շարժումը յուրահատուկ էր կանանց մեծաթիվ ու ակտիվ մասնակցությամբ: Կանանց ներկայության ու մասնակցության շնորհիվ էր, որ հանրահավաքների մասնակից տասնյակ հազարավոր մարդկանց հուզումները մնում էին կարգ ու կանոնի, սթափ ու խոհուն վարվելակերպի հունի մեջ:

1989թ. Արցախում անցկացված մարդահամարի համաձայն՝ հարավարևելյան տարածաշրջանում այսպիսին էր կանանց թիվը. Ասկերանի շրջանում 18930 հոգուց 9652-ը կազմում էին կանայք, Հադրութի շրջանում՝ 11073-ից 6205-ը էին կանայք, իսկ Մարտունու շրջանում՝ 20143-ից 10331-ը:¹

Նրանց հիմնական մասը կանգնած է շարժման ակունքներում:

1986թ. Արցախի հարավարևելյան շրջաններում ընդհատակյա շարժումն սկիզբ առավ ստորագրահավաքներով: Այդ աշխատանքներին մասնակից կանայք ակտիվ գործում էին ոչ միայն շրջկենտրոններում, այլ մաս գյուղերում:

1987թ. շարժման առաջնահերթ խնդիրներից էր Նախաձեռնող խմբերի ստեղծումն ամենուրեք, այդ թվում՝ հարավարևելյան տարածաշրջանում: Արդեն սեպտեմբերին Ասկերանի շրջանի գրեթե բոլոր գյուղերում գործում էին նման խմբեր, որոնք ակտիվ համագործակցության մեջ էին շրջկենտրոնի իրենց համախոհների հետ:²

Ասկերանում նախաձեռնող խմբերում ընդգրկված կանայք ոչ միայն կազմակերպում էին ստորագրահավաքը, այլ մաս աշխատանքներ էին տանում գյուղերում: Ստորագրություն վերցնում էին ոչ պատահական մարդկանցից, այլ նրանցից, ովքեր համակված էին նույն այդ գաղափարով՝ ԼՂԻՄ-ի վերամիավորում Հայկական ԽՍՀ-ին: Ստորագրություններ հավաքելու ձևաթղթերը, որոնցում պետք է նշվեին ստորագրողի անձնագրի համարն ու հասցեն, կին ակտիվիստները բաժանում էին և, ինչպես նրանք են վկայում, օրվա մեջ երկու անգամ այցելում էին «Կարմիր դրոշ» թերթի խմբագրատուն՝ հավաքած ստորագրությունները հանձնելու համար: Այդ

¹ Итоги всесоюзной переписи населения 1989г. Численность наличного и постоянного населения по каждому сельскому населенному пункту по Нагорно-Карабахской автономной области, таблица 2с, Москва 1989г.
² «Լուսարար», թիվ 2-3, 11.02.2013:

աշխատանքները կատարվում էին խիստ գաղտնի:³

Նամակների, դիմումների, հանրագրերի հոսքը Հաղործից սկսվեց դեռևս 1986 թվականից: Նախաձեռնող խմբի անդամ և ակտիվ կազմակերպիչ էր Նելլի Կասպարովան (Հաղործի միջնակարգ դպրոցի ռուսաց լեզվի ուսուցչուհի):⁴



Խումբը ԼՂԻՄ-ը Հայկական ԽՍՀ-ին վերամիանվորելու խնդրանք-պահանջով, ինչպես նաև շրջանի բնակչությանը հուզող այլ խնդիրների առնչությամբ հանրագրեր էր ուղարկում շրջանային ու մարզային ատյաններին, Ադրբեջական ԽՍՀ, Հայկական ԽՍՀ բարձրագույն ղեկավար մարմիններին և Կենտրոնին: Մասնավորապես, խմբի նախաձեռնությամբ կազմված և Հաղործի շրջործկոմին ուղղված հանրագրում հաղորդագրվեցին պահանջում էին լուծել Հաղործում հայկական հեռուստաալիք ունենալու հարցը և դիմել Մոսկվային՝ Արցախի հարցին արդարացի լուծում տալու համար: 1987թ. հաղորդագրվեցին հանրագրով, այդ թվում՝ նաև կրկն ակտիվիստների ստորագրությամբ դիմում են ԽՍՀ ԿԿ գլխավոր քարտուղար Մ. Գորբաչովին խնդրելով լուծել արցախահայության նագալին պահանջատիրության հարցը՝ ԼՂԻՄ-ը վերամիանվորել Հայաստանին:⁵ Հայկական հեռուստաալիքի հարցը չլուծվեց: Միևնույն ժամանակ Հաղործում սկսվեցին ճնշումները նախաձեռնող խմբի անդամների հանդեպ: Չնայած դրան, շարժումը հետզհետե ավելի ու ավելի էր ծավալվում՝ մասնակից դարձնելով շրջանի բոլոր գյուղերը: Հերթական ստորագրությունների փաթեթը Մոսկվա ուղարկվեց 1988թ. հունվարին: Ընդ անգամ ստորագրահավաքի կազմակերպմանը մասնակցող 60 հոգուց 20-ը կանայք էին: Այնուհետև վերջիններիս մասնակցությամբ Հաղործում տարածվում են «Լարաբաղը բռնությամբ է կազմի Ադրբեջանի մի մաս», «Լարաբաղը կազատագրվի ամեն գնով, ինչ էլ որ լինի», «Մանամանադրությունը ժողովրդի համար է, ոչ թե ժողովուրդը՝ սահմանադրության», «Նախիջևանը օրինակ է Ադրբեջանի վարած քաղաքականության մասին» բովանդակությամբ կարգախոսներ:

Ընդհատակյա փուլում իրենց ակտիվ մասնակցությունն էին ցուցաբերում նաև Մարտունու շրջանի կանայք, որոնց շարքերում էին Անգելինա Հովսեփյանը (շրջխորհրդի գործկոմի պլանային հանձնաժողովի նախագահ), Ռիտա Գևորգյանը (Մարտունու կենտրոնական գրադարանի տնօրեն), Միլվա Բալայանը (Մարտունու կոմերիտշրջկոմի քարտուղար), Միլվա Խաչատրյանը (լրագրող):

Գեռևս 1986թ. Ստեփանակերտում հիմնվեց ընդհատակյա կազմակերպություն, որը 1987-ին ստացավ «Արցախյան միություն» անունը: Միությունը, որը բաղկացած էր 11 հոգուց, ուներ ծրագիր և կանոնադրություն: Կազմակերպության բաժանմունքներ հիմնվեցին նաև մարզի շրջաններում: Մարտունու բաժանմունքի ղեկավարներից էր Անգելինա Հովսեփյանը:⁶ Անդրադառնալով այն օրերին ծավալված ընդհատակյա աշխատանքներին, Անգելինա Հովսեփյանը վկայում է. «1986թ. ընդգրկվեցի շարժման կազմակերպիչների գաղտնի խմբի մեջ: Այդ ժամանակ գաղտնի ստորագրահավաքներ էին իրականացվում, և ես միացա դրանց կազմակերպմանը: Ինձ հանձնարարված էր տեղեկություններ պատրաստել վերջին տասը տարիներին շրջանի սոցիալ-տնտեսական վիճակի մասին, այն ԽՍՀ Կենտկոմ ներկայացնելու նպատակով: Մոսկվա մեկնած պատվիրակությունը, վերադառնալով, տեղեկացրեց, որ անհրաժեշտ է կոլեկտիվների, կազմակերպությունների և անհատների անունից նամակներ, հեռագրեր

3. ԼՂՀ Աս. շրջ.արխիվ, ֆ1 ց.1.գ46, թ4: Ակտիվիստների շարքերում էին Միրա Ավանեսյանը, Նորա Առուշանյանը, Մելանյա Առուշանյանը, Գրետա (Ջենմա) Թամրազյանը:

⁴ «Դիզակ», թիվ 8, 27.02.1998:

⁵ ԼՂՀ Հաղործի շրջ.արխիվ, . ֆ1 ց.3 .գ 24, թ5: Հանրագրում առկա էր Էլզա Աբրահամյանի, Անիկ Հայրապետյանի և Միլվա Պողոսյանի ստորագրությունը:

⁶ Հ.Աբրահամյան, Մարտնչող Արցախը (1917-2000), գիրք գ, Ստեփանակերտ 2007, էջ19: Միությունը 1987թ. ամռանը և աշնանն իրագործեց իր նվազագույն ծրագիրը՝ հավաքելով ավելի քան 80 հազար ստորագրություն, որը նույնների վերջերին ներկայացվեց ԽՍՀ Կենտկոմին:

ուղարկել Մոսկվա: Ամեն ինչ կազմակերպվում էր նախատեսված ծրագրերի համաձայն, բոլորը գիտակցում էին սկսած գործի կարևորությունը և աշխատում էին մեծ նվիրումով»:⁷

1988-ի սկզբներին շարժումը նոր, հուժկու թափ առավ: Անհրաժեշտ էր ԼՂԻՄ-ը Հայկական ԽՍՀ հետ վերամիավորելու մասին Հռչակագիրը համաժողովրդական քննարկման դնել ու համապատասխան որոշում կայացնել: Արցախի հարավ-արևելյան տարածաշրջանում ևս շարժման նախաձեռնող խմբերը կազմեցին ժողովների անցկացման ժամանակացույց, որը հիմնականում համապատասխանեցվեց ԼՂԻՄ-ում ավանդաբար փետրվարին անցկացվող տնտեսությունների ղեկավարների հաշվետու-ընտրական ժողովների ժամանակացույցի հետ: Ասկերանում նախաձեռնող խմբի ղեկավար Սլավա Առուշանյանի հավաստմամբ կազմվեց որոշման նախագիծ, որը պետք է ներկայացվեր հանդիպումների ժամանակ: Նրա կինը՝ Մելանյա Առուշանյանը, ամուսնու հետ մասնակցում էր նախաձեռնող խմբի աշխատանքներին՝ ստորագրահավաքներին, մաս կարգախոսներ տարածում, կազմակերպչական աշխատանքներ տանում՝ խաղաղ ցույցերին պատրաստվելու համար:⁸

Հանդիպումների ժամանակ ժողովականներին ներկայացվում էր Հռչակագրի նախագիծն ու կազմակերպվում փաստաթղթի քննարկումներ: Ամենուրեք այն հավանության էր արժանանում: Այդ գործընթացը նոր հույսեր արթնացրեց մարդկանց մեջ՝ Արցախի հարցը խաղաղ ճանապարհով լուծելու գործում: Քննարկումների ժամանակ միակարծիք էին՝ ԼՂԻՄ-ը վերամիավորել Հայկական ԽՍՀ-ին: Աղբրեջանի կոմկուսի Կենտկոմը որոշեց շարժումը խեղդել, և փետրվարի 11-ին Աղբրեջանի ԿԿ Կենտկոմի ներկայացուցիչները ժամանեցին Արցախ՝ կուսակցական ակտիվի նիստեր գումարելու նպատակով, կուսակցական կազմակերպության միջոցով շարժումը կասեցնելու համար: Սակայն փետրվարի 12-ին Աղբրեջանի ԿԿ Կենտկոմի երկրորդ քարտուղարի (Վ. Կոնավալով) առաքելությունը Ասկերանում տապալվեց, ինչն էլ նպաստեց, որ շարժումը ստանա համաժողովրդական բնույթ:⁹

Նույն օրը հանրահավաքներ կազմակերպվեցին Ասկերանում, Հաղրութում, Մարտունի-ում:

Հաղրութում ևս նախատեսված կուսակցական ակտիվի ժողովը տապալվեց, և փետրվարի 12-ին կայացավ առաջին հանրահավաքը, որտեղ հավաքվել էր մոտ հազար մարդ, վանկարկելով՝ «Միացում», «Հայաստան»:¹⁰

Հանրահավաքի մասնակիցները հաջորդ օրը՝ փետրվարի 13-ին, պահանջեցին գործադիր իշխանությանը կնիքով հաստատել ԼՂԻՄ-ը Մայր Հայաստանին վերամիավորելու մասին Հռչակագիրը: Միայն ժամը 17.00-ին հաստատվեց Հռչակագիրը: Այն հանդիսավորությամբ ընթերցվեց, հետո եղան ելույթներ: Այս ամենը կազմակերպվում էր նախաձեռնող խմբի ջանքերով, որի ղեկավարներից էր Նելլի Կասպարովան: Նա մեկն էր այն զլխավոր գործող անձանցից, ովքեր կազմակերպում էին նամակների, հանրագրերի հոսքը Մոսկվա, իսկ փետրվարի 12-ին ակտիվ աշխատանք տանում կուսընդհանուր պլենումում Հռչակագրի ընդունման, ապա և հաջորդ օրը մարզային իշխանությունների կողմից այդ փաստաթղթի օրինականացման ուղղությամբ: Նրա համախոհների շարքերում մեծ թիվ էին կազմում հաղրութցի կանայք:¹¹

Փետրվարի 12-ին, Մարտունու շրջկենտրոնում տեղի ունեցավ առաջին զանգվածային հանրահավաքը: Հանրահավաքում ելույթ ունեցան մաս կին-ակտիվիստները և ԼՂԻՄ-ը Հայաստանին վերամիավորելու մասին Հռչակագրի ռուսերեն օրինակը ներկայացվեց հանրահավաքի

⁷ «Ամարաս», 15-29.02.2008:

⁸ ԼՂՀ Ասկ. շրջ. արխիվ, ֆ1 ց.1.գ 43, ք 5:

⁹ Վ. Բալայան, Դրվագներ արցախահայության ազատագրական պայքարի և պետականության պատմության (1813-2007թթ.): Ստեփանակերտ, 2012թ. էջ 280:

¹⁰ Թ. Հակոբյան, Կանաչ ու սև Արցախյան օրագիր: Երևան-Ստեփանակերտ, 2008թ., էջ 28:

¹¹ «Դիզակ», թիվ 03, 12.02.2007:

մասնակիցներին (Հոչակագիրը կարդաց Իրինա Մանասյանը):¹²

Երբ Ադրբեջանի ԿԿ Կենտկոմի ներկայացուցիչների պլանները ձախողվեցին բոլոր շրջաններում, նրանք որոշեցին փետրվարի 13-ին կուսընկերակիցների բյուրոների համատեղ նիստ գումարել՝ շարժումը կասեցնելու համար: Ասկերանի նախաձեռնող խմբերը, որոնք համապատասխանում էին Ստեփանակերտի և բոլոր շրջանների նախաձեռնող խմբերի հետ, որոշեցին բյուրոների համատեղ նիստը կասեցնելու համար փետրվարի 13-ին Ստեփանակերտում հանրահավաք անցկացնել:



Շարժման ակտիվիստներին հաջողվեց այդ օրն անցկացնել համաժողովրդական հանրահավաք, որին մասնակցում էին ուսանողներ, ձեռնարկությունների աշխատավորական կոմիտեիներ՝ իրենց ցուցապատառներով: Այդ հանրահավաքը վերջնականապես տապալեց շարժումը դատապարտող որոշման ընդունումը, որի նախագիծը նախօրոք պատրաստ էր: Հանրահավաքներ, ցույցեր տեղի էին ունենում ոչ միայն Ստեփանակերտում, այլ նաև մարզի շրջաններում: Փետրվարի 15-ին հերթական հանրահավաք է տեղի ունենում Ասկերանում: Հանրահավաքի ութ պատվիրակները, այդ թվում Ռեբեկա Եղյանը, կոչով դիմում են ժողպատգամավորների շրջխորհրդի նստաշրջանի մասնակիցներին:

«Մենք՝ Ասկերան ավանի և Ասկերանի շրջանի հայաբնակ գյուղերի հասարակության ներկայացուցիչների հանրահավաքի մասնակիցներս, կոչ ենք անում ժողովրդական պատգամավորների շրջխորհրդի բոլոր պատգամավորներին պաշտպանել շրջանի հասարակության պահանջը և քվեարկել իսկապես Լեռնային Ղարաբաղը Հայկական ԽՍՀ-ին վերամիավորելու արդարացի պահանջի»:¹³

Փետրվարի 12-13-ի դեպքերից հետո Ասկերանի նախաձեռնող խումբը նամակ է պատրաստում և 12 հոգուց բաղկացած պատվիրակության հետ ուղարկում Հայաստան: Պատվիրակության մեջ ընդգրկված կին-ակտիվիստները ևս մասնակից են դառնում փետրվարի 21-ին Երևանի թատերական հրապարակում կայացած բազահազարանոց հանրահավաքին:¹⁴

Միաժամանակ կանանց մասնակցությամբ մարզի հարավ-արևելյան շրջանում տեղի էին ունենում ժողովներ՝ նվիրված հիմնախնդրի կարգավորմանը: Փետրվարի 15-ին հրավիրվում է արհմիությունների Հաղորդի շրջանային կառույցի նիստ, որտեղ լսվեց 24 մասնակիցների, այդ թվում՝ 10 կնոջ ելույթ: Նիստում որոշվում է նամակով դիմել ԽՍՀ ԿԿ գլխավոր քարտուղար Մ. Գորբաչովին՝ խնդրելով աջակցել Ղարաբաղյան հիմնահարցի արդարացի լուծմանը:¹⁵

Արդեն փետրվարի կեսերին մարզում սկսվում է ԼՂԻՄ շրջանների ժողովրդական պատգամավորների, այդ թվում կին-պատգամավորների դիմումների հոսքը շրջանային խորհուրդներ շրջանային արտահերթ նստաշրջան հրավիրելու պահանջով՝ ԼՂԻՄ-ի հարցը քննարկելու համար:

Առաջին հանրահավաքից հետո ժողովրդական պատգամավորների Մարտունու շրջանային խորհուրդ են դիմում մի շարք պատգամավորներ, այդ թվում՝ կին-պատգամավորներ՝ պահանջելով պաշտպանել Մարտունու շրջանի բնակչության պահանջը և մարզը Հայկական ԽՍՀ-ին վերամիավորելու մասին հարցը քննարկելու համար հրավիրել ժողովրդական պատգամավորների շրջանային նիստ:

¹² «Ամարաս», 1-15.01.2013: Ելույթ ունեցողների թվում էին նաև Սիլվա Խաչատրյանը և Ռիտա Գևորգյանը:

¹³ ԼՂՀ Ասկ. շրջ.արխիվ, ֆ1 ց.1.գ 53, ք5:

¹⁴ ԼՂՀ Ասկ. շրջ.արխիվ, ֆ1 ց.1.գ43, ք4: Պատվիրակության կազմում էին Նորա Առուշանյանը և Անյա Հայրապետյանը:

¹⁵ ԼՂՀ Հաղորդի շրջ.արխիվ, . ֆ1 ց1. .գ 39, ք133:

մավորների շրջանային արտահերթ նստաշրջան:¹⁶

Այնուհետև փետրվարի 18-ին Ասկերանում շրջանային խորհրդի մի խումբ պատգամավորներ՝ 15 կին պատգամավորների մասնակցությամբ դիմում են շրջխորհրդի գործկոմին, խնդրելով «Աղբբեջանական ԽՍՀ ժողովրդական պատգամավորների շրջանային խորհրդի մասին» Աղբ. ԽՍՀ օրենքի 31-րդ և 35-րդ հոդվածների պահանջներին համապատասխան հրավիրել շրջանային խորհրդի արտահերթ նստաշրջան և քննարկել ԼՂԽՄ-ը Հայկական ԽՍՀ-ին վերամիավորելու մասին հարցը, ընդունել համապատասխան որոշում:

Դիմումում, մասնավորապես, ասվում է. « Մենք՝ ներքոստորագրյալ պատգամավորներս, պահանջում ենք հրավիրել շրջխորհրդի արտահերթ նստաշրջան և քննարկել ԼՂԽՄ-ը Հայկական ԽՍՀ-ին վերամիավորելու մասին շրջանի հասարակության կողմից քննարկված ու ջերմ պաշտպանություն գտած հռչակագիրը և ընդունել համապատասխան որոշում»:¹⁷

Իսկ փետրվարի 19-ին հրավիրվում է ժողպատգամավորների Մարտունու 20-րդ գումարման շրջխորհրդի 3-րդ արտահերթ նստաշրջանը, որին մասնակցում էին նաև 24 կին-պատգամավորներ: Ելույթ ունեցող կանայք ևս առաջարկեցին խնդրել ժողովրդական պատգամավորների ԼՂԽՄ մարզխորհրդի գործկոմին՝ ԼՂԽՄ-ը Հայկական ԽՍՀ-ին վերամիավորելու մասին հարցը ներկայացնել մարզխորհրդի նստաշրջանի քննարկմանը:¹⁸ Հարկ է նշել նաև գյուղական խորհուրդների կողմից նամակները շրջխորհրդների գործկոմներին՝ շրջխորհրդի նստաշրջան հրավիրելու առաջարկով, որտեղ առկա է նաև կանանց ստորագրությունները: Առկա նյութերը վկայում են այն իրողությունը, որ կանայք համազգային գործում մասնակցում էին բոլոր նախաձեռնություններին՝ հանուն մեկ նպատակի: Նրանց մասնակցությամբ փետրվարի 18-ին Ասկերանի շրջխորհրդի գործկոմին են դիմում Նորագյուղի, Նախիջևանիկի, Խնապատի, Պատարայի գյուղական խորհուրդների գործկոմները՝ առաջարկելով հրավիրել շրջխորհրդի նստաշրջան և քննարկել ԼՂԽՄ-ը Հայաստանի հետ վերամիավորելու մասին հարցը:

Փետրվարի 20-ին կայացավ նաև ժողպատգամավորների Ասկերանի 20-րդ գումարման շրջխորհրդի 5-րդ արտահերթ նստաշրջանը: Նիստում 10 ելույթ ունեցողներից 3 կին-պատգամավորներ՝ Անիկ Ասատրյան, Երմոնյա Սարգսյան, Թամարա Փարամազյան, ևս արտահայտեցին հանրության կամքը՝ ԼՂԽՄ-ի վերամիավորումը Հայաստանին և որպես ժողովրդի ընտրյալ և ժողովրդի շահերը պաշտպանող պատգամավորներ, առաջարկեցին նստաշրջանի անունից հռչակագիր ներկայացնել ԽՍՀՄ Գերագույն խորհրդին՝ Լեռնային Ղարաբաղը Հայաստանին վերամիավորելու մասին:

Արտահերթ նստաշրջանն ընդունեց որոշում. «Հավանություն տալ Լեռնային Ղարաբաղը Հայկական ԽՍՀ-ին վերամիավորելու մասին աշխատավորական կռիվի փուլերի և հասարակայնության առաջարկությանը, խնդրել ժողովրդական պատգամավորների Լեռնային Ղարաբաղի մարզային խորհրդի գործկոմին՝ տվյալ հարցը ներկայացնել ժողովրդական պատգամավորների մարզային խորհրդի նստաշրջանի քննարկմանը և, ղեկավարվելով ԽՍՀՄ Սահմանադրության 78-րդ հոդվածի պահանջով, հարց հարուցել Աղբբեջանական ԽՍՀ և Հայկական ԽՍՀ Գերագույն խորհուրդների նախագահությունների առջև և խնդրել նրանց համաձայնու-

¹⁶ ԼՂՀ Մարտունու շրջ.արխիվ. . ֆ1 ց.1 .գ 59, ք14: Մասնակցում էին Էլեոնորա Բալայանը (թիվ 5 ընտրատարածք), Մեղա Օհանյանը (թիվ 46 ընտրատարածք), Լյուբա Գրիգորյանը (թիվ 52 ընտրատարածք), Սիրուշ Դադայանը (թիվ 74 ընտրատարածք), Լիլյա Ավանեսյանը (թիվ 53 ընտրատարածք):

¹⁷ ԼՂՀ Ասկ. շրջ .արխիվ. ֆ1 ց.1.գ 57, ք5: Մասնակցում էին Ալինա Ասրյանը, Անիկ Ասատրյանը, Սուսաննա Գաբրիելյանը, Սվետլանա Խաչատրյանը, Անահիտ Պետրոսյանը, Վեներա Գրիգորյանը, Էմմա Դանիելյանը, Էվելինա Ստեփանյանը, Ելիզավետա Սարգսյանը, Գրետա Մարտիրոսյանը, Երմոնյա Սարգսյանը, Ստեյլա Բալայանը, Անուշ Անդրյանը, Նազիկ Դադայանը, Ասյա Պետրոսյանը:

¹⁸ ԼՂՀ Մարտունու շրջ.արխիվ. . ֆ1 ց.1 .գ 3, ք7: Ելույթ ունեցան Կարինե Բաբայանը, Էլեոնորա Բալայանը և Լիլյա Ավանեսյանը:

բյուրը Լեռնային Ղարաբաղը Հայկական ԽՍՀ-ին վերամիավորելու հարցում»:¹⁹ Նույն օրը կայացավ ժողպատգամավորների Հաղորդի 20-րդ գումարման շրջխորհրդի 4-րդ նստաշրջանը, որտեղ քննարկվեց «ԼՂԽՄ-ի և Նախիջևանի միացումը Հայկական ԽՍՀ -ին և այդ հարցի վերաբերյալ Շահումյանի, Շամխորի, Գաշքեսանի, Խանլարի շրջաններում հանրաքվե անցկացնելու ու դրանք ԽՍՀՄ Գերագույն խորհրդի նախագահությանը ներկայացնելու մասին» հարցը: Լավեցին նաև կին պատգամավորների ելույթները, որոնցում արտահայտվեց շրջանի հայ ազգաբնակչության կամքը: Ընդունվեց որոշում. «Խնդրել մարզխորհրդի գործկոմի՝ նստաշրջանի քննարկմանը ներկայացնել ԼՂԽՄ-ի և Նախիջևանի միացումը Հայկական ԽՍՀ-ին և Շահումյանի, Շամխորի, Գաշքեսանի, Խանլարի շրջաններում անցկացնել հանրաքվե»:²⁰



Մարզխորհրդի արտահերթ նստաշրջանը 1988-ի փետրվարի 20-ին քննարկեց «ԼՂԽՄ-ը Ադրբեջանական ԽՍՀ կազմից հանելու և Հայկական ԽՍՀ կազմի մեջ մտցնելու մասին» հարցը և ընդունեց իր պատմական որոշումը:²¹ Արդյունքում ծնվեց մերօրյա պատմության բերևաամենանշանավոր և հայանպաստ իրավական որոշումը:

Սակայն Կենտրոնն արցախահայության նկատմամբ անհանդուրժողական դիրք գրավեց և սկսեց համագործակցել ադրբեջանական իշխանությունների հետ, նկատի առնելով, որ երկրի ներսում ազգերի ինքնորոշման իրավունքի իրագործումը լուրջ վտանգ է սպառնում կոմունիստական կուսակցության համապարփակ տիրապետությանը:

Չնայած այդ ամենին, 1988-89թթ. Արցախի հարավարևելյան շրջաններում ևս կանանց անմիջական մասնակցությամբ շարունակվում էին ցույցերն ու հանրահավաքները, գյուղխորհուրդների նիստերը, աշխատավորական կոլեկտիվների ժողովները: 1988-ի նոյեմբերի 2-ին ժողպատգամավորների Ասկերանի շրջխորհրդի արտահերթ նստաշրջանում, նոյեմբերի 9-ին շրջանի Հարավ գյուղի գյուղխորհրդի նիստում, նոյեմբերի 12-ին Խնապատի գյուղական դպրոցի մանկավարժական խորհրդի նիստում, 1989թ. ապրիլի 28-ին Հարավ գյուղի հասարակության ընդհանուր ժողովում, ապրիլի 29-ին Ալնադրբյուր գյուղի հասարակության ընդհանուր ժողովում ելույթներ ունեցան կանայք՝ պահանջելով ԼՂԽՄ-ի վերամիավորումը Հայկական ԽՍՀ-ին:²² Միաժամանակ շարունակվում էր հանրագրերի, դիմում-նամակների հոսքը: 1988-ի սեպտեմբերին Մարտունու շրջանի աշխատավորներից 250 հոգու ստորագրությամբ հանրագիր է ուղղվում ԼՂԽՄ կուսամարզկոմի առաջին քարտուղար Հ. Պողոսյանին՝ խնդրելով նպաստել Ղարաբաղի հարցի արդարացի լուծմանը:²³

1989թ. հուլիսից Հայաստանը և Լեռնային Ղարաբաղը Ադրբեջանի կողմից ենթարկվեցին տնտեսական շրջափակման: Արցախում նոր թափ առան պատժիչ բռնամիջոցները: Հաշի առնելով առկա բարդ իրադրությունը՝ Կենտրոնի որոշմամբ 1989թ. հունվարի 20-ին ԼՂԽՄ-ում ստեղծվում է Հատուկ կառավարման կոմիտե՝ ԽՄԿԿ Կենտկոմի բաժնի վարիչ Ա. Վոլսկու գլխավորությամբ:²⁴ Ստեղծված լարված իրավիճակը, Ադրբեջանի կողմից իրականացվող բռնությունները ստիպում են շրջանի բնակիչներին նորանոր քայլեր ձեռնարկել: Այդ մասին է վկայում 1989թ. մայիսի 19-ին տեղի է ունեցած ժողպատգամավորների Մարտունու 20-րդ

¹⁹ ԼՂՀ Ասկ. շրջ. արխիվ, ֆ1 ց, 1.զ 58, ք5:

²⁰ ԼՂՀ Հաղորդի շրջ. արխիվ, . ֆ1 ց.1 .զ 40, ք. 145:

²¹ Պատմական նստաշրջան, փաստաթղթերի և նյութերի ժողովածու, Ստեփանակերտ 2008թ., էջ 31:

«Ընդառաջելով ԼՂԽՄ աշխատավորների ցանկություններին՝ խնդրել Ադրբեջանական ԽՍՀ Գերագույն խորհրդին ու Հայկական ԽՍՀ ԳԽ-ին՝ խոր ըմբռնման զգացում դրսևորել Լեռնային Ղարաբաղի հայ բնակչության իրենց նկատմամբ և լուծել ԼՂԽՄ-ը Ադրբեջանական ԽՍՀ կազմից Հայկական ԽՍՀ կազմ հանձնելու հարցը. միաժամանակ միջնորդել ԽՍՀՄ Գերագույն խորհրդի առջև՝ ԼՂԽՄ-ը Ադրբեջանական ԽՍՀ կազմից Հայկական ԽՍՀ կազմ հանձնելու հարցի դրական լուծման համար»:

²² ԼՂՀ ՊԱ . ֆ2 ց.1 .զ 3, ք22-29: Ելույթ ունեցան Անիկ Ասատրյանը, Սվետլանա Պետրոսյանը, Արտակ Համբարձումյանը, Էլեոնորա Ավանեսյանը:

²³ ԼՂՀ ՊԱ . ֆ2 ց.1, գ13, ք27-28: Այդ քվում Հասմիկ Հայրապետյան, Սիլվա Խաչատրյան և ուրիշներ:

²⁴ «Մովետական Ղարաբաղ» 15.01.1989:



գումարման շրջանային խորհրդի 6-րդ նստաշրջանը, որտեղ անընդունելի է համարվում ԼՂԽ-ի կառավարման հատուկ ձևը: Նիստին ներկա 23 կին պատգամավորներից 3-ը՝ իրենց ելույթներում կարևորում էին այն հանգամանքը, որ հատուկ կառավարման կոմիտեի քողի տակ Ադրբեջանի ղեկավարությունը շարունակում է անպատիժ միջամտել ինքնավար մարզի գործերին, ոտնահարել նրա իրավունքներն ու շահերը: Նստաշրջանն ընդունում է որոշում. «Հաշվի առնելով, որ ԽՍՀՄ Գերագույն խորհրդի կողմից քննության չեն առնվել ժողովրդական պատգամավորների ԼՂԽ մարզխորհրդի որոշումները, դիմել Խորհուրդների համամիութենական համագումարին՝ լրիվ իշխանությունը օգտագործելու, ժողովրդական պատգամավորների Լեռնային Ղարաբաղի մարզային խորհրդի, Հայկական ԽՍՀ Գերագույն խորհրդի նստաշրջանների որոշումները քննարկելու և Հայկական ԽՍՀ-ի հետ ԼՂԽ-ը վերամիավորելու խնդրանքով»:²⁵

Ապա նույն թվականին տեղի է ունենում Մարտունու կուսընկերության բյուրոյի և ժողպատգամավորների շրջխորհրդի գործկոմի համատեղ նիստը, որտեղ դատապարտվում է 1989թ. նոյեմբերի 28-ին ԽՍՀՄ Գերագույն խորհրդի «ԼՂԽ-ում իրադրությունը նորմալացնելու միջոցառումների մասին» որոշումը, որով նախատեսվում էր ԼՂ-ն կրկին բռնությամբ վերադարձնել Ադրբեջանական ԽՍՀ իրավաենթակայությանը:²⁶

Ադրբեջանը շարունակում էր Արցախյան շարժման նկատմամբ իր անհանդուրժողական դիրքորոշումը, նրա ահաբեկչական քաղաքականությունն ավելի ու ավելի լայն ծավալներ էր ստանում: Առկա ծանր իրավիճակից ելնելով՝ Արցախում և Հայաստանում ստեղծվում են ինքնապաշտպանական ջոկատներ: Արցախի հարավ-արևելյան տարածաշրջանում կանայք նույնպես մասնակից դարձան ինքնապաշտպանական գործողություններին: Նրանք սննդամթերք, փամփուշտ, այլ զինամթերք էին հասցնում բարձրունքներում տեղակայված կամավորականներին, պահպանում հեռախոսակապը շրջկենտրոնների և Ստեփանակերտի հետ, ինչպես նաև անդամագրվում ինքնապաշտպանական ջոկատներին: Նրանց գործունեության շրջանակը հետզհետե ավելի էր ընդարձակվում: Ապա սկսեցին մասնակցել Երևանից գեներ-գլխամթերքի տեղափոխմանը, ինչով զինվում էին ինքնապաշտպանական ջոկատները: Մաստկացան բնակչության նկատմամբ իրականացվող կամայականությունները: 1991թ մայիս և հունիս ամիսներին ադրբեջանական միլիցիայի հատուկ նշանակության (ՕՄՕՆ) ջոկատները խորհրդային բանակի զորքերի հետ համատեղ իրականացրին «Օղակ» ռազմագործողությունը: Հունիսին հիմնահատակ կործանվեցին Հաղարծի և Մարտակերտի շրջանի 20-ից ավելի հայկական գյուղեր, սպանվեցին ու վիրավորվեցին հարյուրավոր կանայք, երեխաներ, ծերունիներ: Չնայած այդ ամենին, 1991թ. սեպտեմբերի 2-ին Ստեփանակերտում կայացավ ժողովրդական պատգամավորների Լեռնային Ղարաբաղի մարզային և Շահումյանի շրջանային խորհուրդների համատեղ նստաշրջանը՝ բոլոր մակարդակների խորհուրդների պատգամավորների մասնակցությամբ, որտեղ ընդունվեց «Հռչակագիր Լեռնային Ղարաբաղի Հանրապետության հռչակման մասին»:²⁷ Դրանով արցախահայությունը նորից հաստատեց ազատության համար մինչև վերջ պայքարելու իր վճռականությունը:

Իրողությունը սրերով ընդունեց Ադրբեջանի ղեկավարությունը և 1991թ նոյեմբերին Ադրբեջանի զինված ազդեցիկ սկսեց Լեռնային Ղարաբաղի Հանրապետության դեմ: Ինչպես մյուս վայրերում, Արցախի հարավարևելյան շրջաններում ևս կանայք հայրենասիրական մղումներով կամավորագրվեցին ինքնապաշտպանական ջոկատներին: Մարտի դաշտում

²⁵ ԼՂՀ Մարտունու շրջ.արխիվ, . ֆ1 գ.1 .զ 5, ք5-6: Ելույթ ունեցան Անգելինա Հովսեփյանը, Անժելա Խաչատրյանը և Մելանյա Աղամյանը:
²⁶ Նույն տեղում, ֆ1 գ.1 .զ 2, ք. 13-14:
²⁷ «Հայաստանի Հանրապետություն», 03.09.1991:

Վիրավորների տեղահանման ու բուժապասարկման աշխատանքներ կատարելուց բացի, նրանք շատ հաճախ անմիջականորեն մասնակցում էին մարտական գործողություններին՝ զենքը ձեռքներին պաշտպանելով հող հայրենին:



Резюме

Женщины в национально-освободительной борьбе юго-восточных районов Арцаха в 1988-1991гг. (Аскеран, Гадрут, Мартуни)

И.Н. Аванесян, *АрГУ*

В статье освещается участие в 1988-1991гг. женщин-жительниц юго-восточных районов Арцаха в Карабахском движении–национально-освободительной борьбе Арцахского армянства и в самообороне страны. Движение было развернуто во всех районах Арцаха. На подпольной стадии Движения юго-восточные районы полностью были вовлечены в освободительную борьбу. Более того, Инициативные группы этих районов были одними из первых в Автономной Области НК, которые способствовали, чтобы Движение превратилось в общенациональную борьбу. Женщины были причастны ко всему этому. Вообще-то, многочисленность активно участвующих женщин являлась своеобразностью Карабахского движения. Часть из них участвовала в боевых действиях, а другая, оставаясь в тылу, сыграла немаловажную роль в деле продовольственного и материального обеспечения отрядов самообороны.

Summary

Women During the Period of National-Liberation Struggle for South Eastern Regions of Artsakh Throughout 1988 and 1991 (Askeran, Hadrut, Martuni)

I.N. Avanesyan, *ArSU*

The article highlights the participation of female inhabitants of south-eastern regions of Artsakh in the Karabakh Movement, national liberation struggle and the self-defense of the country. The movement eventually spread to all regions of Artsakh. In the first phase of the movement the south-eastern regions of Artsakh were completely immersed in the liberation struggle. Moreover, the initiative groups of those regions were the first in Nagorno-Karabakh Autonomous Region to contribute the movement to turn into a nationwide struggle. All these things happened with the help of women. In general, the Karabakh movement was special due to the active participation of large number of women. Some of them took part in military operations, while others staying behind the lines had no less important roles such as providing food and materials for the self-defense detachments.